

膠濟鐵路視察記

44705



膠濟鐵路視察記

鐵 路 視 察 團 青 島 攝 影



膠濟鐵路視察記

袁德宣

膠濟鐵路。由華會解決。歸中國收回。交通部組織鐵路視察團。前往調查。計二十二。人。分兩期出發。余承以新聞記者。約同前往。於三月一日與第二期同行。是日午前三時。至前門車站。津浦鐵路。已備車在站侍候。到則鐵漢與陳君少雲。施君熙臺。秦君申潔。黃君澤霖。王君澤生。易君綬階。黃君悅民。張君一貫。在焉。然皆就寢。時亦又兩兒送至車上。聞五點五十分開。即遣兩兒歸。余亦入睡。鄉矣。

二日九點二十分抵天津。黃君質中。由津登車。是時余始與諸君會晤。此期會計。陳君少雲司之。所有車中茶點飯食。由渠結算。而秦君申潔。以所撰東陞紀聞贈。車中瀏覽。頗增興趣。秦君前充中東鐵路技術部委員。對於該路情形。詳爲紀載。而主權所關。尤三致意。今往膠濟視察。則其所紀。必更有勝於此者。十一點五十分過楊柳青。同人至膳車午餐。午後九時抵濟南。濟南驛長渡部耕君。出而接待。未幾煙濟電線專務總管葉君昌岐到。陪往城內一觀。並邀至狀元樓小酌。飲後乘人力車至膠濟站登車。十一點開往青島也。

三日七點過女姑口站。開窗一望。見隴頭綠意。駸駸不覺。詩興勃發。時易君綬階曰。女姑山

有小姑祠。漢代所建。可引入詩以誌勝蹟。余口占云。

曉起推窗望。參差樹繞村。隴頭多綠意。山角有青痕。日早春偏麗。風和氣漸溫。女姑山口過。詩思勃朝暄。時鐵漢正舉杯小酌。即和云。

春露濕芳徑。朝曦出遠村。參差樓閣影。漲落水波痕。小座酒初暖。同人語並溫。天然好圖畫。海浴扶桑眩。

女姑站過則爲滄口。此處波光浪影。山色晴嵐。左右相映。誠一幅天然圖畫也。鐵漢和句。一無所指矣。車行甚快。而又甚平。無他路之搖播者。原他路皆木枕。而此獨鐵枕也。故余有枕臥原皆鐵。鐵懸半是金之句。過滄口。經四方大港兩站。八點三十五分即抵青島。至則曾君擲九。徐君鷺誠。佟君公肅。吳君蜀生等。到站迎接。並備汽車。分乘至大旅館。下車則陸督辦渭漁。俞局長曦梧。與康君新銘。首君吟父。聞君春聞。馬君麗宸等。引入客廳。鐵道部文書係長有野學先在焉。由該部北京駐在員松山信輔君介紹接洽。旋登樓。余與鐵漢同住第二十六號。該館共三層。余等住最上層。憑欄一望。全島風景。歷歷在目。少頃。陳君僱汽車邀赴團島一遊。車過旭公園。見槐櫻夾道。桃柳滿村。樓閣參差。亭池掩映。一入其間。恍同三島園。

有忠魂碑。高七十尺。下瘞戰死各士卒。又見一碑。泐萬年山。日人對此。誠欲作一永久計也。余得一律云。

春日來青島。驅車過旭園。境猶三島似。名尙萬年喧。獨引騷人興。誰招戰士魂。何時明月夜。把酒細重論。

歸館錄呈鐵漢吟父兩兄。皆有所觸。鐵和云。

春夜遊青島。風光似故園。萬家燈火燦。千頃海波喧。對飲邀明月。高吟繫夢魂。此間如可隱。富貴不須論。又吟父和云。

巋然一海島。新闢作公園。價比連城貴。聲應洛浦喧。有人來弔古。無處賦招魂。巧拙何須問。憑君仔細論。

由旭公園經千葉大村公園等處。回館。是日十二時。第一期團員。邀第二期新到團員。飲於中華飯店。涓漁督辦席間云。此間風景絕佳。吟料不少。可多作詩。以當遊記。至於參觀一節。已與各機關接洽。約定日期。按時會同前往。可也。青島衛署。以守備司令部爲主。司令部下。設陸軍民政兩部。民政部下。又設鐵道遞信兩部。我等此來。與鐵道部調查之事。甚多。是晚

六點三十分。司令部由比大將、邀飲於伊官廡。屆時同往。大將一一接見。皆握手爲禮。坐定。晉茶。七時登席。同座除視察團外。尚有司法內務各部人員。並有中國銀行行長。電報局局長。及青島商會各董事。並日本軍民兩界。共八十餘人。觥籌交錯。酬酢紛紜。大有把盞言歡之樂。酒數巡。大將即起而致詞。略曰、

諸君此次來青島。鄙人極爲歡迎。今晚又承光蒞。更爲欣幸。惟敝部招待多疏。來賓席次。或有未妥。諸祈原諒。青島問題。既經太會解決。所有調查各事。自應予諸君以種種便利。但目今尙有兩層困難。一細則尙未協定。一各種表冊。咄嗟難就。此外倫事實上可以辦到者。無不盡力爲之。青島地方。占中國重要位置。不特爲第一貿易之場。且爲第一遊覽之地。以貿易而論。外來貨物。由此入口。運往腹地。內地貨物。由此出口。運至沿海要埠。及外國各地。故其繁盛。可與漢口。上海。香港。埒。以遊覽而論。緊靠海灣。天氣溫和。近又建築公園。春夏之交。櫻花徧地。誠足悅目賞心。且水清而淺。又不爲波浪所激。夏季海浴。尤爲合宜。故風景之佳。不特爲東亞無二。實爲世界所罕覩。獨是青島。雖由德國開闢。而敝國於大正三年一役。實以多數性命。換取而來。諸君試觀旭公園。內忠魂碑。可知其大概。且敝國接管以後。

慘澹經營。不遺餘力。故貿易之發展。地方之繁茂。已二倍於前。諸君試登天文台俯瞰。當知其現狀。雖然。青島爲中國重要地點。應行擴張之事。尙多。其最關緊要者。莫如鐵路。展修一事。若將順濟高徐一一築造。則富源日見開濬。利益日見增加。將來青島之發達。更有不可與今日同語者。迄今目的尙未達到。鄙人對此。不無遺憾。深望貴國接收之後。凡現所未逮者。趕速進行。以臻完善地步。鄙人雖老。他日來華。重遊舊地。則其樂當有不可思議也。今日與諸君一堂。聚首誠有無窮之希望。惟惜無嘉穀而西。酒又冷。然酒雖冷。多飲數杯。亦可使滿身皆熱。將來兩國親善。其熱度必更加高。今日之歡會。正爲異日親善之表徵也。鄙人再進一杯。以爲諸君祝。陸督辦答辭畧云。

同人此次來青島視察。承大將優禮有加。甚爲感佩。所有調查各事。又承示以種種便利。不覺更爲感激。事竣返京。當將大將盛意報告。當道俾知中日兩國親善之真相。今夕原擾鄙人不敏。謹代表同人敬晉一觴。一展謝忱。一爲大將壽。斯時司法部監獄王少泉司長亦答數語。略曰。

中日本兄弟之國。而又師弟之國。中國新政。多由貴國輸入。或在貴國留學。或聘貴國教師。

來華教授。故敝國現在所辦各事。皆奉貴國爲師。資青島經貴國數年整理。尤爲模範。區城我國更當仿效。以作全國標準。中日同文同種。本來親善。自今而後。較前更當親密。今日歡會。鄙人再舉一觴。一祝諸君萬福。一祝由比大將健康。演畢。衆皆鼓掌。余即席賦四絕。以誌盛會。

筵開三面酒。千巡我忝將軍座。上賓中外一家渾。莫辨興酣談論更風生。其一觥籌交錯影橫。陳酒次豪談信率真。兩國邦家更親密。不妨同醉太和春。其二漫云樽俎折衝難。攜手同登大將壇。酒陣詩軍成底事。不須對敵與人看。其三本來同種又同洲。况復同文意更投。今日車書成一統。好將佳話紀從頭。其四

時十一鐘五十分。大將猶進數鐘。盡歡而散。歸館則十一鐘有半也。

三日午前十時。同赴民政部參觀。首由總務部長兼鐵道事務官入澤君接洽。說明設立民政部理由。並云民政部範圍甚廣。凡不屬陸軍部者。皆隸此。即以教育而論。高中小各校。皆歸管轄。現在各校學生。中日並收。施同一之教授。並無何種差別。次由秘書長兼鐵道事務官內田報告膠濟鐵道近况。並謂欲謀營業發達。宜將順濟高徐各線展修富源擴。則純利。

白多。再次由水道鬼技師報告水道構造。並謂德國當日將內部穢水。由管運出港外。其自來水發源李村。質甚清潔。現人口加多。恐供不應求。擬於勞山再闢一源。以資接濟。時至十二鐘。同人興辭出。十二點三十分。在山東町英記酒樓午餐。午後赴市街各處參觀。四時歸館。見島前波光盪漾。帆影縱橫。得一律云。

一幅天然畫。年來點綴鮮波光。浮檻外。帆影落樽前。地本春如海。人誰樂似仙。別離無那久。應欲護團圓。青島歸德十六年。歸日又八年也。收故及之。晚仍飲英記酒樓。

四日十時赴鐵道部參觀。部長秋山回國。由文書係長接待。首說明山東鐵道概況。繼云現在內外員役合共九千四百七十七名。內日人二千零二十九名。華人七千四百四十八名。外美人一名。每月薪俸共三十六萬零一十一元三角。內日人一十九萬八千一百八十元零四角。華人十萬七千一百一十二元九角。外美人八十元。按日人二千零二十九名每月薪俸近十萬七千餘元。蓋高等職員盡屬日人也。二十萬元。華人七千四百餘名薪永僅

又俸給之外。尚有津貼一項。除住官有房屋者外。每人平均約百元。但以日人爲限。至其車輛。占領時計機車五十台。客車六十五台。貨車一千一百八十七台。內客車改貨車四台共計一千三百

二十二台。大正三年起，至現在止。日本新加並改造機車四十九台。客車六十四台。貨車三百九十台。合共機關並客貨車一千八百二十四台。較前增加五百零二台也。若其收入。正太九年四月一日起。至十年三月末日止。計旅客貨物並鐵鑛埠頭及各雜收。共日金一千三百九十三萬五千五百五十元。十年四月起。至今年三月。尙未結算。大約有加無減。此鐵道部範圍所轄之大概情形也。此外尙有倉庫十餘所。輪船十餘艘。容另開報。說至此。已十二鐘。邀至各辦公室一觀。約明日午前再分股調查。遂出得二絕。

豈真吾道又其東。一統車書說大同。我本適人常秉鐸。此來巡路爲從公。其一考工一卷書。猶一在典冊依然集。大觀此是我邦舊規制。河間曾已補冬官。其二
午餐後，赴各學參觀，晚錄各作寄詩界同人。

五日九時與噦梧局長。松山信輔。並擲九吟父鐵漢三兄。乘汽車赴四方站參觀工場。初由技師新井太郎接待。少頃，渭漁督辦。與陸君味辛。易君綬階。施君熙臺。徐君鷺誠俱到場。長船山要之助出。按圖說明。即引至各場參觀。內分鐵工木工兩大宗。職工計日人二百餘名。華人一千三百餘名。每年開支。不下三百餘萬。其規模之大。可知。并設有職工養成所。小學。

校、病院、宿舍、俱樂部、運動場等。可謂應有盡有。十一時半觀畢。乘車返途中口。占云：四方宏敞。見規模中外。菁英聚一爐。自此河山歸冶煉。莫教錯鑄誤當途。又利器從何妙。運來神工鬼斧。不須猜幹楨。自此多儲備。不向他方借異材。

十二時在三陽樓午餐。午後二時與首君吟父、王君澤生、黃君質中、易君綬階登天文臺。臺係德人所建。登高一望。則全島皆在眼底。由比大將謂登天文臺俯瞰。則知全島現狀。至此更知其言之不爽。天文臺日改稱候氣所。然與人不知。尙呼爲欽天監也。時成一絕云：結伴登臨笑若仙。此身疑在白雲巔。時人猶說欽天監。不識滄桑幾變遷。

降後澤生邀觀燈臺。因風遇大返館。是晚徐君杲如來訪。徐山東人。岩倉路校同學也。現充鐵道部埠頭局職員。渠服務多年。對於是路情形甚爲熟悉。余等乃就詢一切。

六日九時赴鐵道部分股調查。十二時余君杲如邀飲順興酒樓。同座者擣九吟父鐵漢與馬君麗宸。皆東京同學也。正把盞傾談間。擣九閱報。見王督辦山東善後之命下。渠曰王極公正。可謂得人矣。飲後呼車至北京町。日本改町久矣。車夫祇呼北京街。尙不識丁笑占一絕云。

村町久改。中邦號。丁目全標。海外名無。奈人民多不識。市中猶喚六街聲。午後四時。夕陽欲下。浪影搖紅。靜岡町前。一線突出者。棧橋也。橋浮水面。余遊時。見港外萬頃。蒼茫滔滔。不竭得一絕云。

浮橋一道。臥長虹。有客來游。興不窮。指點蒼茫千萬頃。何人破浪正乘風。

七時。陸督辦領銜邀大將及各機關首領。飲於本館。並約內務部新來調查畢君等三人作陪。前日官廳席式。係中一橫線。兩列直線。今日席式。係上一橫綫。中列一直線。兩面坐客。酒數巡。渭漁督辦起而致辭。畧曰。

今日承由比大將與諸君惠臨。同人等不勝榮幸。同人此次來青島視察。承大將優待於前。諸君子指導。於後俾得按圖索驥。循序參觀。無任感佩。今特薄備一樽。聊伸謝意。同人連日調查各機關。見其組織完全。佈置整齊。誠堪艷羨。青島本一小嶼。對於貿易久負盛名。對於遊覽尤稱特色。舉世觀瞻所繫。正宜日新月異。而歲不同。自茲以往。敵國當益求上達。並望在座諸君子。時匡不逮。同人等尤感激之。不置也。今日一堂聚首。鄙人謹代表同人再舉一觴。以爲諸君子壽。

由比大將答詞略云、

諸君現在調查正值百忙之中。承開樽、籠、召、鄙人等深爲感謝。又承逾格獎飾、更滋慚媿。諸君此次來青島視察。鄙人囑各機關悉舉以告。俾回北京時。作爲參考資料。不識倉猝間。各機關是否詳盡說明。青島雖小。原占東亞重要位置。關係甚爲重大。敝國甚願迅將細則協訂。俾貴國早日接收。以卸仔肩。鄙與貴國本天然聯絡。而交通又十分便利。就中由日至華線、路、有、四、一、由馬關乘汽船至朝鮮。再由朝鮮乘南滿鐵路至北京。一、由馬關乘汽船至上海。再由上海乘滬寧津浦京奉三路至北京。一、由馬關乘汽車至大連。再由大連乘南滿鐵路至北京。一、由馬關乘汽車至青島。再由青島乘膠濟轉津浦京奉至北京。此四線中。惟由馬關至青島爲最近。貴國接收之後。敝國與貴國更見接近。將來之親善必愈密切。今日一堂聚首。鄙人誠有無窮之希望也。再舉一觴敬祝諸君萬福。

席終引至客廳。興猶未已。再飲數鐘乃散。

七日八時。同人畢集旅館門首。共撮一影。以爲紀念。九時與搏九吟父質中三君。僱馬車赴會姓岬。看礮臺。礮係德人所鑄。計二十四。加農二尊。十五。加農三尊。共五尊。礮能伸縮。

岬下皆空。機械均置地底。日能藏千人。時有土人來。將當日戰時情狀。一一說明。並帶往山底空室細觀。德人當日經營誠鐵壁銅牆。無懈可擊。不意一戰即爲日人所獲。可見強權終不足恃也。觀畢即赴旭山望龍口。並遊櫻公園及新町各公園。吟父曰。十里櫻村路。搏九日。人在萬山行。猶記到時。渭漁督辦曰。週遊一轉。眼界俱空。又鐵漢每日處處皆詩境。余將各語湊成四律。用紀勝游。

一水環三面。週游眼界空。人家如畫裏。山色入詩中。蓬島疑猶接。桃源似可通。我來頻問汝。誰是主人翁。其一處處皆詩境。隨看韻自流。碧波涵醉眼。白雪浸吟喉。樓閣千層見。雲山四面收。箇中誰點綴。知是管城侯。其二十里櫻村路。花今惜未開。春風催岬峽。曉日照樓臺。種樹人何去。櫻花多係德人手種尋春我正來。旭山頭上望。小立幾徘徊。其三人在萬山行。春風自送迎。上坡斜度馬。隔岸遠聽鶯。樹隱疑無路。花含似有情。一鞭歸去後。把盞乏瑤觥。其四

十時假中國銀行。邀青島商會各董事。並中國銀行行長。電報局局長會飲。答前日午宴也。青島巨商。以傅君炳昭。劉君子山爲冠。傅任祥泰號經理。劉任東萊銀行經理。是午共四筵。余與傅劉同座。兩君將青島商務狀況。與當時日人佔領情形。言之甚悉。徐君杲如亦在座。

飲畢徐邀余與鐵漢同至公園與商品陳列所一觀四時返館吟父曰今日所觀戰蹟宜紀以長歌晚餐後振筆書之其歌曰

早起驅車馬騰趨（讀趨）飛向山頭看大砲嗟峨五座鎮其中蹲若羣熊伏如豹熊豹昂昂勢態雄碧海日出摩青銅將軍一躍從天降虎視膺磷焰欲紅忽有路人來岬會姓側告余此礮鑄強德當年教案起山東佔據膠洲聲赫赫膠濟一線建築成海灣青島更經營竊恐強鄰相襲奪礮環要塞羣相驚礮身高下能伸縮上躋雲霄下巖麓中復盤旋四道通敵人不敢相馳逐屈指方經十六年霸王正欲著先鞭軍中更有楊無敵誰敢一試當其前無何戰鬪西起聯盟攻德勢難弭東方有日奮雄威欲逐蛟螭出蒼水艦隊飛來海浪狂兩雄相見彈飛揚加農此礮名直射數百里日軍轟擊死相望聞死萬餘人彼見海面不敢近乃向他方籌妙運試從龍口鑿地來洞中一鼓神勇奮從龍口鑿地洞十餘里德軍處此胡爲乎勢促力竭天空呼俯首聽命成降卒載往東都獻虜俘日軍獲此大增興折歸兩座紀戰勝迄今旭山會岬間往蹟依依猶可證余聞此語心愕然德先勢力何其全一衅匆匆歸泡影雄飛佳話祇空傳

德素有雄飛東亞之志

吁嗟乎古來霸跡何堪述騁帝馳王逞強述東有始皇西威廉頡頏中外無相黜

始皇曾築萬里城。耀武揚威一世橫。維廉志欲霸東亞。膠灣擊浪躍長鯨。去年我出張家口。居庸關下重迴首。今年我向青島遊。會姓岬頭憑弔久。青島一去幾經春。廿二年餘隸比鄰。無端太會持公論。主物今還屬主人。我來看罷無憂喜。合浦歸還原有以。記取中央紀念碑。果然戰勝在天理。

九時渭漁督辦。召渠室會議。現調查已畢。仍分兩期回京。第一期八日登車。第二期九日登車。已電部請浦、浦、備、車、也。如願某期歸者。請簽名。時陳君少雲、黃君澤霖、馬君麗宸、黃君質中、黃君悅民。均願第一期回。余曰：松山信輔亦約明日回京。余可與同歸。如是約定。翼日十二鐘。由青島站乘車返京。

八日七時起。余與鐵漢等擬僱汽船赴青島一遊。原余等到此。雖云青島。現港灣各處皆呼青島究竟青島。尙隔一水。正僱船時。王君澤生曰：島雖咫尺。然汽船來往。須六時。今日赴島。即不能回京也。島並無屋。不過上豎一燈臺。余曰：此、次、不、往、留、作、再、遊。時有黃君曰：不往可矣。然不能無詩。遂倚裝成一絕。

如何二十二年中。一奪西鄰。一奪東。畢竟文姬終返漢。此身究未被污蒙。

十一時、鐵漢同至英記酒樓小酌、十二時登車。鐵漢與新民君等、送至站。余以一律話別。無端結伴。作清遊。彈指匆匆。一週花好幾時。開滿島。櫻花開時同入尙約重遊酒香連夜醉高樓。膠洲仍舊春無恙。合浦依然樂未休。臨去欲呼渠一問。來來能識故人否。

青山如故人、吾如青島亦云。然車開時、迴頭一顧、覺雲鬢霧鬢不免依依繫戀也。該路第二次、例不掛飯車。車上所購、不過便當。日本食品及麵包而已。二時至坊子。馬君下車購一雞。無酒下。甚可惜。幸日人以北蘭地兩小瓶進。十一時抵濟南。滿擬過津浦車後、同赴酒館一飲。馬君拍電各館、均以時晚答。該路段長聞之、即命庖人備飯。送至車時、已二鐘也。

九日八時、陳君少雲命津浦飯車備點心。十二時過滄州。又命備餐。此次赴青、與陳君往。又與陳君歸。陳君慷慨而又豪邁。故途中頗不岑寂。七時抵前門東站。僱車回、鐘正八響。此行也。是我國收回租地之第一聲。將來結果如獲圓滿。則由青島而威海衛而廣州灣等處。必皆援例交還。然則此行顧不重哉。雖然接收必自調查始。調查不確。則將來接收不免種種困難。現赴青島調查者多矣。外交陸軍內務司法交通各部皆派員前往。同力合作。何患不成。然調查而無準備。則臨渴掘井。亦未必有濟也。陸軍內務司法準備尙易。惟交通較

各部獨難。何也。陸軍則委一鎮守使移兵接防可也。內務則派一警察長撥警駐護可也。惟交通則膠濟一路。日本職員占二千餘人。內高等二十餘人。委任二百三十餘人。雇員七百一十餘人。助技等一千零五十餘人。此皆有專門學識。非一時募集可得者。我國鐵路專員必多有職務。即或未有職務者。最多亦不過數百人。若不早爲準備。臨時接收則無論何人。即使濫竽。一旦覆餗。貽譏不特騰笑外人。而此路現爲民有。恐無以饜國民之望也。然則二千專門人員。必非咄嗟可得。將如之何。而後可。惟然。必先將各處專門人才。未有職務者。探訪存記。並宜先就各路有學問經驗者。設法延攬。必豫使足額而後已。如此綢繆未雨。庶不致臨時掣肘也。他若與交通方面有關者。不僅鐵路。電報郵政港務皆是也。然此三事。尙不若鐵路之繁複。無須多方研究。至沿路鹽場鑛產。今雖一並調查。然究有專部主管。亦無庸代謀。惟鐵路爲魯案主腦。贖款既多。用人又夥。則不得不三致意焉。是路定爲民有。一切募股辦法。必以商辦公司律行之。另擬有芻議。茲不贅。

附同人和作

和鍊人膠濟道中曉望原韻

葉祖鼎

石壁倚松徑。茅廬隱柳村。曉初殘月色。天末遠山痕。霜重馬蹄濕。春寒人語溫。女姑何處在。雲樹映朝暾。

和鍊人青島旅居偶感原韻

近水居家好。烹魚愛膾鮮。詩情傳雁外。鄉夢醒雞前。醉裏渾忘客。行中快若仙。何時携眷屬。人月共團圓。

和鍊人膠濟道中曉望原韻

戚震瀛

齊煙散九點。出海浴朝暾。膠澳初尋勝。湯泉尙憶溫。溫即墨有溫泉風塵鞅。天色天際蔚。藍痕轂擊臨。淄地桃源別有村。

和鍊人青島旅居偶感原韻

前人

萬帆朝海口。航渡若飛仙。琛獻淮夷日。珠還合浦年。河山哀劫後。文字話尊前。小別思良友。書貽尺素鮮。

和鍊人膠濟道中曉望原韻

張元羣

何處花成錦。芳菲滿海村。天邊開曙色。雲外見山痕。煙景詩同麗。春風酒共溫。邵公吟興好。

高臥對朝暾

和鍊人青島旅居偶感原韻

前人

十里桃源地樹臺照水鮮
車書傳海內歌吹聽風前
且喜登瀛客今成縮地仙
仰天同一嘯明月爲誰圓

和鍊人膠濟道中曉望原韻


鄧一鶴

天接松間路人歸柳外村
鴨頭新泛浪鴻爪共留痕
恍似鶯聲麗誰如燕語溫
飛車忙不住詩興動初暾

和鍊人青島旅居偶感原韻

心隨堤柳活詩待海棠鮮
結想寧居後臨行不肯前
海天原莽蕩陸地幾神仙
屈指三三近杯於何處圓

餘俟續刊



非賣品

交通叢報社藏版

法輪印刷局代印